

新 著

西 洋 近 百 年 史

上 卷

中 等 學 校 用

商 務 印 書 館 發 行

第一編 政治之部一 (自維也納 Vienna 會議至巴爾幹 Balkan 戰爭)。

第一章 維也納會議

(一) 歐洲大同盟及拿破崙 拿破崙 Napoleon 征俄失敗，狼狽歸巴黎 Paris 歐洲各國乘之，遂起最終之大同盟。初普魯士 Prussia 之失敗也，整理內政，不遺餘力，厲兵秣馬，務期一舉抗法。France 今拿破崙失敗之餘，有機可乘，因與俄羅斯 Russia 結攻守同盟。千八百十三年二月三日，召集常備預備諸軍。普王腓特烈威廉第三 Frederick William 下令軍中曰：「是為吾民最後之戰，國之存亡幸災，均視此舉，爾等勉旃，非獲勝利之和平，雖粉身碎骨，亦所弗辭也。」(1)

奧 Austria



拿破崙

國初以戚誼有關，未便加入，後調停無効，亦黨於同盟。俄、普、奧三國大軍會於利比瑟，Leipzig，以三十萬大軍與拿破崙戰，破之，是爲利比瑟國民之戰，後世德意志諸國之所祝者也。同盟既勝，聲勢尤盛，拿破崙僅率殘兵六萬，退至來因河 R. Rhine 畔之綿斯。Mainz 十二月三十一日，同盟軍遂自各進兵侵入法境。

註一 見 Harding, Mediaeval and Modern History. P. 538.

(二) 拿破崙之退位及第一次巴黎條約 同盟軍既入法境，而意見不協；拿破崙乘之，屢獲勝利。千八百十四年二月四日，列國公使曾於喀體林 Clathillon 再開和議談判，提議法蘭西之境界，復千七百九十二年之舊，拿破崙不許。於是英、England、俄、

圖代時盛最崙破拿年一一八一



普奧諸國代表，復會於蘇漠 Chaumont，確定對法態度，誓以去拿破崙爲旨。大軍轉戰而前，三月三十日包圍巴黎；城中守賄內應者，三十一日遂陷。普王腓特烈威廉第三，訪達來郎 Talleyrand 外相，協議善後辦法。決議波旁家 Bourbon 路易十八 Louis 復辟，拿破崙退位，並與波旁以世襲王權。四月十一日，拿破崙帝草退位詔於芳得堡 Fontainebleau 宮，宣言彼及其子孫永遠放棄法蘭西及意大利 Italy 王位。(一) 二十日，拿破崙辭別部下將士，從同盟軍乘英艦赴厄爾巴 Elba 島。五月二日，路易第十八抵巴黎，宣言實行立憲政治。五月三十日，開巴黎講和會議。時俄帝亞歷山大第一 Alexander 欲示恩於法，以作將來併吞土耳其 Turkey 之基。蓋俄若實行併土政策，勢不得不與英敵；今日扶植法國者，實他日欲假其力以控制英國者也。當時法王路易，知國力疲敝，藩籬盡撤，我國既屢示微波，則亦何樂而不與提攜。達來郎既有俄國之援，復憑三寸之舌，與各國使臣折衝樽俎，力爭本國之權利，毫無屈色。卒定巴黎條約三十三條。其要領如左：

一、法蘭西國境，除復千七百九十二年一月一日之舊以外，更併有亞威農 Avignon 及得白拉 Montbéliard 模魯 Mulhouse 等市及薩瓦 Savoy 一小部。其北部自菲力帛文里 Philippeville 至馬拉堡 Marientburg 之地，亦依革命以前，每人口百萬，增加若干之律，擴張境界。

二、公認來因河航行自由之原則，凡橫貫數國之江河，亦得照此原則辦理。

三、增封荷蘭 Holland 領域，歸奧倫治 Orange 家統治，並承認德意志各邦獨立及瑞士 Switzerland 聯邦之組織。意大利則除奧領以外，建設若干獨立國。

四、英國所得法蘭西殖民地，退還一部分，唯馬耳他 Malta 島，永歸英國領有。

五、拿破崙所掠各國珍寶，暫歸法國保存。(11)

以上條約，係公布於世者，以外尚有密而不宣者；其大旨不外於將來維也納會議時，抑制法國勢力，各沾餘利而已。

註一、退位原文，參觀拙著西洋大歷史下卷第四編十章五節小註。

註二、參觀長岡春一最近世界外交史第二章。

(11) 英俄普奧四大強國之欲望，巴黎條約告終，維也納會未開之際，握歐洲各國存亡之機者，實為四國同盟。自法國所分割之地，宰割任諸四國；但外雖親睦，內實參商，利害衝突，實不可言狀。所謂同盟者，隨時隨地，皆有決裂之勢。故法國大使達來郎，能乘間運動，使各小國從己以獨樹勢力於維也納會議也。茲就四國之利害及其野心分述之：

英國大願，在獨抱海權，擴張商業。其海外領土雖廣，猶未足供母國製造品之消售，更欲得西班牙，Spain 葡萄牙，Portugal 等殖民地以為出路。狡計百端，迫挾西葡二國，訂利己條約；且英國首為提倡廢賣黑奴

之制，深得殖民地之歡心；故於維也納會議，亦力持斯議；表面上由於惻隱之心，實欲隆本國名譽以謀本國利益者也。雖然，英國若欲保持其固有勢力，長守勿失，勢不可不別求一策，以抵制俄法二國。畏法者蓋以法國商業，足以抵抗英國也；畏俄者蓋以俄國覬覦君士坦丁，Constantinople 時欲奪其東方之利益也。故英所提議者，不外拘制彼二國政策。其一則削法國領土以與荷蘭，並以英國王女下嫁荷王太子，益厚兩國之親交；二則以薩克森 Saxon 王國全部與普魯士，更舉其於波蘭 Poland 所領有之土地亦悉與之，使於西方箝制法國；三則抗俄帝再與波蘭王國之議，又舉分割波蘭之地全與奧國，使俄不能南下；四則恐德意志統一，勢力過強，使奧普二國統轄之；此外更植奧國勢力於意大利以爲遮法之障壁。凡此種種，皆圖各國之互相掣肘，以保英國固有之勢力而已。

各強國中，與英國共利害者，莫奧國若。奧國患俄國之南下，畏法國之東侵，一如英國。故奧國爲拒法國東侵之勢，欲組織德意志聯邦；以來因河沿岸之地，分與其聯邦，以防法國侵略。於瑞士陽爲擁護法國政策，陰實阻撓；於意大利則占領米蘭 Milan 威內薩 Venice 等數州，以防法國勢力伸張；於東方則拒俄帝再與波蘭王國之議，沿多瑙河 R. Danube 守備而使俄國不得南下。對俄對法，奧英雖同，然對普意見則絕對相反；蓋奧以薩克森爲普有，則德意志聯邦之均勢破，並爲普王開一直搗奧都之通路。故寧欲普國恢復波蘭之舊領，拓土於來因河畔，而不使染指於薩克森。如此則法普接壤，勢不相解，奧國欲乘機而大有所爲也。

並不欲普國於德意志西部獨抱大權。欲別建新國於德意志南，使其無事時則與普制法；有事則可抑普國，吞併德國各聯邦之野心。至其所謂新國者，即巴威略 *Bavaria* 王國是也。以來因河岸最沃饒之地歸之，則奧國可爲德意志聯邦之盟主，以左右普國。是其政策，一舉而制俄抑普，且困法國，更伸其兩翼於德意志，及意大利而建一強固赫奕之大帝國者也。

唯彼俄國固與英奧二國殊其利害。故一舉一動，自判霄壤。其首所要求者，則欲合瓦薩 *Warsaw* 公國及其他波蘭領土建一獨立國，行立憲政治，而俄帝更攝其王位。拿破崙之助薩克森占領瓦薩也，俄帝亞歷山大深恨之，且生平與普王最相親善，於個人之私交，固欲普王領有薩克森之領土。蓋以普握德意志霸權，得以制奧，於外交政策，大有裨益也。至其防奧之策，則不外欲由波蘭王國以壓其北境，伸法國勢力於意大利，以掣其西而已。

普魯士夙抱統一全德意志之大志。法國又爲彼之世仇，五月三十日之巴黎條約，深憾失之寬大。自欲領來因河畔各州，首當其衝，且欲領薩克森王土地，以防奧國。故寧欲擲舊波蘭領土，以易斯地。總之表面上奉承奧國，陰實防阻其政策，不使其於德國聯邦之新組織，獨握霸權。唯當時國微力小，不足拒奧，故引俄爲援，佯爲甘受指揮，而實爲他日排奧計也。(一)

註一、本節參觀今世歐洲外交史卷上十五至十七頁。

(四)達來郎及四國同盟 開維也納會議時，彼同盟四大國於歐洲改造，各異意見，互相嫉視。彼等權力，固足以左右全歐運命，莫敢抗議。其能利用此鷸蚌之爭，以抑其專肆者，果誰人耶？彼決存亡於會議之國民，則不能與會議之列；波蘭、威內薩，則已瀕滅亡，初無與會權利，即與會亦不過受死形之宣告；丹麥 Denmark 王亦只於會議，認領土分割；瑞典 Sweden 前王，雖請求復位，亦拒而弗納；彼德意志小君主，雖爭先恐後，歸集奧都；或欲割隣封以肥己國，或欲防他國以保故土，或求復已廢之王統，或請還既失之舊封；只謀私利，初無一人提倡同盟，以抵四國者。當時立平等之地位，有抗議權利而能調停各國紛爭者，實一法國薩克森、西班牙等君主，皆爲近親。故於此則欲收回權利，於彼則欲扶持彼等威權，遂舉敏捷權變之達來郎，任爲全權大使。(一)

當達來郎未達奧都時，彼英、奧、俄、普四大國全權大使，已擬定會議之重要問題，決之四國；且於國土之分合，四國祕密協商，然後表示於法、西兩國。其他各國不得容喙。達來郎至，力指其失，謂會議者，實列國之會議，欲議決之有效，當付公議；不能以二三強國壟斷全會。於是其他弱國力贊斯議，彼四國同盟亦理屈詞窮，而不得不從其言矣。茲將參列人員列表如左：

一、奧地利亞

法蘭西司 Francis 及梅特涅 Metternich 等三人

二、俄羅斯

亞歷山大 Alexander 第一帝等四人

三、普魯士

腓特烈威廉第三及哈登堡公 Hardenberg 等二人

四、英吉利

威林敦 Wellington 等二人

五、法蘭西

達爾巴 Dalberg 等三人

六、西班牙

拉不拉達伯爵 Labradar

七、那不勒斯 Naples

法不里西 Fabricio

八、葡萄牙

波爾馬拉伯爵 Palmella

九、教皇廳

孔塞威僧正 Consilvi

其他參列國尚多，無慮六十餘人，公推梅特涅爲會長；期於千八百十四年九月下旬會合，九月二十五日，各國君主委員均至，遂定十月一日開會。

註一、參觀今世歐洲外交史上卷二十頁。

(五) 維也納會議之開幕及拿破崙之歸國。當維也納會議之開也，四大強國，各有所圖，其野心已略述於前。然法國大使達來郎，掉三寸舌，大有壓倒四國之勢。四國之抱願未償，故一切問題，終未就緒。歲月匆匆，已是千八百十五年三月矣！當各國發言盈廷，莫敢誰何之際，而霹靂一聲，驚天動地之拿破崙，又自厄爾巴島中逃出矣。於是各國不得不暫停和會，再對拿破崙，乃宣言彼爲「世界和平之擾亂者」。(一)列國分兵，進攻巴

黎；而拿破崙仍執先發制人之計，
進軍迎敵。與英將威靈敦大戰於
滑鐵盧，Waterloo 大敗。同盟軍



敦 林 威



涅 特 梅

遂再入巴黎，復路易十八王位，流
拿破崙於太平洋中孤島聖海倫。
St. Helena 計自厄爾巴島逃出，
至流時僅百日，故稱爲百日帝。邇後鬱鬱居荒島，回首則宮花冷落，禁樹婆娑；凝眸則海水蒼茫，山雲黯淡；英

雄末路，涕泗沾襟；自知恢復無期，不覺毫無生趣；遂以千八百二十一年五月，患胃癰死。考其生平受病之處，在自信過篤，伯倫知理嘗論及之。(11) 若以其所創之法度典章論之，固多有益於國民生計，即世界受賜，亦非淺鮮也。

註1. The Enemy and Destroyer of the World's Peace.

註11. Bluntschli, Allgemeines Staatsrht. P.

407. 愚見秋桐引之。

(六) 維也納會議之結果，拿破崙敗後，各國仍會於維也納。其結果雖四大強國，志未盡償，然各得一部分。諸小國迫於威力，俯首聽命，故於六月十九日，得定其要領如下：

一、普魯士放棄舊領波蘭數省，得來因河左岸並薩克森北部以償其失；南半仍歸獨立。



滑鐵盧大戰

二，俄羅斯以波蘭舊領與拿破崙所建之瓦薩公國合爲波蘭王國，俄帝自兼之。

三，奧地利亞失尼德蘭 Netherlands及波蘭數省，而得北意大利大部。

四，英吉利除恢復哈諾威 一作漢諾威 Hanover外，並得馬耳他、南非之好望角，Cape of Good Hope、北海

之黑耳郭，Heligoland、印度洋之法領毛里西亞，Mauritius、南美洲中之特哈哥，Tohago、西

印度羣島中之聖魯西亞，St. Lucia及荷領錫蘭，Ceylon、島、西班牙領之特尼答，Trinidad、島等

地。此外尚有愛奧尼 Ionian共和國之保護權。於是海外殖民地大增。

五，比利時與荷蘭合併，建尼德蘭王國，盧森堡 Luxembourg亦歸之。

六，挪威 一作威一 Norway脫離丹麥，與瑞典合併，瑞典以芬蘭 Finland割與俄國。

七，丹麥得德意志勞英堡 Laenburg侯國，以償其失。

八，瑞士加三州，共爲二十二州，組成聯邦，爲永久中立國，由列強擔保。

九，意大利除北部爲奧有外，分爲多數獨立國：兩西西里 Two Sicilis王國，波旁家法地那德 Fidinar

統之撒丁 Sardinia王國，復其舊領，並得熱那亞，Genoa、多斯加納，Tuscany、摩德拿，Modena

兩公國，各奉奧皇族一人爲公，意大利全部幾盡入奧之勢力範圍。

十，德意志新以三十九州及四自由市組織聯邦，設兩院制聯邦會議，由各州派選議員，以奧地利亞爲會

長。神聖羅馬帝國，自此瓦解。(1)

此外有會議條件適用於國際公法者四條，茲述如左：

- 一、瑞士國之永久中立。(第百十八條十一項)
- 二、國際河流之自由航行。(第百〇八條至百十七條)
- 三、黑奴貿易之廢棄。(第百十八條十五項)
- 四、外交使節之階級。(第百十八條十六項) (11)

註一、參觀 *Harding, Medieval and Modern History*, p. 543.

註二、見高橋作衛平時國際公法附錄第11。

(七) 維也納條約之批評 維也納會議者，一強凌弱，衆暴寡之會議也。例如強俄據芬蘭以壓瑞典，由波蘭而窺來因；英則據新尼德蘭以制法，領哈諾威以制德；又占馬耳他，直布羅陀，Gibraltar 以握大西，印度，兩洋之鎖鑰；法蘭西仍有故物，然四面受敵，幾無發展餘地。列強之起事，原爲對待擾亂和平之拿破崙及其黨與，法蘭西國民何罪？必欲致之，使無活動興味耶？而最無理由者，卽波蘭旣已建國，何以必以俄帝兼王？唯其然也，故俄人野心勃勃，其對土耳其之政策，日緊一日；後日之克里米 *Crimea* 戰爭，俄土戰爭，及此次歐戰，俄國加入之原因，均維也納會議之造成。比利時旣脫奧獨立，令其獨立可矣，何以又併於荷蘭？夫荷比兩國，

宗教，血統，政治，言論，無一相同。荷奉新教，比則舊教；荷爲日爾曼血統，屬德意志語脈之荷蘭語，比人爲克勒特 Celts 血統，屬拉丁語脈之法蘭德斯 Flanders 語；且荷蘭重商業殖民，取保護貿易，比則尙工業製造，取自由貿易；以此絕對利害習俗不同之國，而統一之，試問能否長久？各國爲防法蘭西之勢力而竟置兩國根本於不顧，是誠無理之尤。比利時不久而革命者，固可料及也。以上不過略舉最大兩事，此外如蔑視小國之國權，反對德意志之統一，無非後日紛爭之由。故史家謂十九世紀後葉爲維也納會議之決裂史，誠哉言也。(一) 又況自法蘭西革命以來，列國政府及貴僚，久蒙侮辱，視自由民權主義，如洪水猛獸，茲次決議，務以壓制爲主，各國不期而同；然終不能達其目的，至今民權日益擴張，(二) 實彼等當時所未料及。蓋無論何種主義，既已傳來，只可設法緩和，絕不能力求壓制，壓制愈深，成功愈大，歷史教訓如是，各國政治家，不能不注意也。

註一、本多淺治郎高等西洋歷史教科書五十一頁有是言。

註二、歐洲有政諺云 Government derive their just power from the consent of the governed. (八) 第二次巴黎條約，拿破崙既放，各國再入巴黎。維也納會議後，自七月十二日起，奧、英、普、俄四大強國，先後開議。最占優勢者，厥爲俄羅斯。俄帝亞歷山大與法國人民，感情素厚，故全權委員喀巴 Cabo 屢向其他三國委員，勸速媾和。二十八日，作第一次通覺書，以拿破崙爲王位之篡奪者，實屬法蘭西國民公敵，應重

懲。其他媾和條件，當以去年五月三十日第一次巴黎條約爲根據。普魯士大反對，欲乘此機，減削法蘭西國際上之勢力；然英奧兩國，贊成俄意，遂於九月十六日結第二次巴黎條約，其要件有三：

一、法國東部四城，北部四城，及東部於千八百十四年所得之薩瓦，概行割讓。

二、法國出六億法郎之償金，並於國境沿邊，建築城砦；其支辦費二億，亦由法國政府擔任。

三、同盟軍十五萬，駐於法國東北境，以七年爲期；其駐在費，由法國政府擔任。但同盟各國，如以法國境內和平，不必須駐軍時，得縮期三年。

路易十八對此條件，大不滿意，因向各國，再起嚴重之交涉。俄國先表同情，竭力斡旋。十一月二十日，再結第二次巴黎條約，其主要條件有三：

一、法國疆界，復千七百九十年一月之舊。

二、法國出償金七億法郎。

三、以威林敦公統同盟軍十五萬，駐於法國東北境上，以五年爲期；其費用由法國政府擔任。但法國形勢，

維也納會議之歐洲圖



如復元後，得縮期三年。

第二章 神聖同盟及愛克士拉遐拍爾 Aix-la-Chapelle 公會

(一)神聖同盟之組織 第二次巴黎條約大綱既成，爲協定細目計，同盟諸國君主，猶留巴黎。時俄羅斯皇帝亞歷山大第一，欲保持歐洲永久勢力，乃於九月二十六日，發布宣言，尋得奧普贊同，遂結同盟，卽所謂神聖同盟 Holy Alliance 是也。條約內容，文意曖昧，致後世政治家，屢爭弗決。其序言云：三國君主，對於內政外交，一本基督教旨，以正義、仁愛、和平，爲主義。次又規定條文如左：

- 一、三國君主，基於基督之經文，親愛如兄弟；每遇事變，緩急相濟；其對於臣民兵士，亦宜愛若子弟。
- 二、三國君主，其信仰宗旨或稍相違，宜各擇基督教之一派，以爲根本。
- 三、各國君主，如有贊成本同盟宗旨者，均得加入。(二)

綜上所言，文意空漠，難得要領。顧其第一條，表面上似甚有價值；然細加玩味，純係各國專制君主，堅相結納，所謂若遇事變，緩急相濟者，專指維也納會議結果而言。蓋謀壓制自由平等主義，厲行專制；故當時各國，除英土兩國外，大率加入，冀以撲滅革命主義。英以自由平等爲立國基礎，土則信仰不同，故均不能加入。餘則一致行動，不期而同。故歐洲政界，立行大變，而梅特涅遂利用此同盟，施其外交手腕。各地自由主義，均爲撲滅。

註一、詳細條文參觀 Lawrence, Documents Illustrative of International Law, P. 49.

(二)愛克士拉遐拍爾公會 第二次巴黎條約成立以來，法國對四國同盟，克盡其所負義務；募集公債，以補歲出；清償賠款，又不爽期；至千八百十八年四月下旬，核算始畢。法國既無負於同盟諸國，彼等亦不能屯兵法境矣。且法國政府，新編陸軍，能以本國兵力，維持治安。同盟各軍，更不能以保護爲名，久稽時日；重以同盟國政府，深恐兵士久居法國，染其自由思想，返國而後，或欲不軌；咸欲撤回，以杜後患，遂決定撤兵。然據巴黎條約，若確定時日，須開列國會議；以審定法國內情，果否能不借同盟國之兵力。於是決於是年九月，開列國會議於愛克士拉遐拍爾。此次會議，只許四國及法國參議。法派首相黎塞留 Richelieu 與會。九月二十日，發巴黎十一月一日，與各國委員，草一議定書；各國依次畫諾。除實行撤兵外，復於十五日更草一議定書；但付之祕密，不公於世。據察其內容：蓋舉統率歐洲各國之權力，攬而歸之五大國掌握；(一)且定時期而開會議，相機行事；得以兵力實行會議之決議，以貫徹神聖同盟之目的；故此公會，不外於神聖同盟，加一保障。除撤廢法國各國之駐兵外，其他毫無價值也。

是外此會議有關於國際公法應用一項，卽列辦理公使於代理公使之上班是也。(11)

註一、法國亦加入四大國之團體，故變爲五大國。

註二、參觀高橋作衛平時國際法附錄。